



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Roberto Abbatij Monasterij sancti Martini Troarnensis, ejusque fratribus
tam præsentibus quām futuris regularem vitam professis in perpetuum.

urn:nbn:de:hbz:466:1-20020

manentibus exhortandi licentiam tribuen-
tes competentibus horis & locis. Datum
Laterani i.v. Idus Maij, anno tertiodecimo.

*In eandem modum scriptum est Archiepiscopo
& suffraganeo Ecclesiae Narbonensis. Datum
ut in alia per totum.*

PRIORI ET CANONICIS
sanctae Catharinae Waterfordensis.

CVM à nobis petitur quod justum est
& honestum, tam vigor æquitatis
quam ordo exigit rationis ut id per follici-
tudinem officii nostri ad debitum perduca-
tur effectum. Eapropter, dilecti in Domi-
no filij, vestris justis postulationibus grato
concurrentes assensu, Ecclesiam sanctæ
Catharinae Waterfordensis & personas ibi-
dem Domino famulantes, cum omnibus
bonis quæ in præsentiarum rationabiliter
possider, aut in futurum justis modis paf-
tante Domino poterit adipisci, sub beati
Petri & nostra protectione suscipimus. In
primis siquidem statuentes ut ordo canoni-
cus, qui secundum Deum & beati Augu-
stini regulam atque institutionem fratrum
domus sancti Victoris Parisiensis in eodem
loco institutus esse dinoscitur, perpetuis
ibidem temporibus inviolabiliter observe-
tur. Specialiter autem insulam extra mu-
ros Waterfordie, in qua sita est Ecclesia
ipsa, cum omnibus pertinentiis suis, Ec-
clesiam de Kiloteran cum omnibus perti-
nentiis suis, Ecclesiam de Inesbrie cum
Killolonan & una carrucata terræ ac aliis
pertinentiis suis, Ecclesiam de Kilcronet
cum omnibus pertinentiis suis, Mulloch-
pissi cum omnibus pertinentiis suis, Eccl-
esiæ de Ballicherechan cum omnibus per-
tinentiis suis, Ecclesiam de Fidum cum
omnibus pertinentiis suis, Ecclesiam de
Kilmedimoc cum omnibus pertinentiis suis,
& omnia ecclesiastica beneficia de Odaga-
tha Omilum cum omnibus pertinentiis suis,
& unam piscariam in Odagatha Omilio,
& duas piscarias apud Fidum, & unum
meuagium cum horto suo, & quandam
terram apud Inesbrie ad grangiam con-
trudendam, quam nobilis vir Helias filius
Normanni pia vobis liberalitate concessit,
sicut in ipsius authentico plenius contine-
tur, & Capellam de Radlathgenam cum
pertinentiis suis, & unum meuagium cum
sex acris terræ, & duo curtigia inter
insulam & muros Waterfordie, sicut ea om-
nia justæ ac pacifice possidetis, vobis & per
vos Ecclesiæ vestreæ auctoritate apostolica
confirmamus & præsentis scripti patroci-
nio communimus. Nulli ergo omnino ho-

Tom. I I.

minum liceat hanc paginam nostræ pro-
tectionis, constitutionis, & confirmationis
infringere, vel ei ausu temerario contraire.
Si quis autem hoc attentare præsumperit,
indignationem omnipotentis Dei & beato-
rum Petri & Pauli Apostolorum ejus se no-
verit incursum. Datum Laterani i.i.
Idus Maij, anno tertiodecimo.

H V G O N I R A Y M V N D I
Canonico Ebredunensi.

CVM M. mulier Bononiensis, que te
in præsentia dilecti filij nostri Gual-
fanctæ Mariæ in Portico Diaconi Cardina-
lis, quem ipsi & tibi concessimus auditio-
rem, petebat in virum, tandem post al-
tercationes multiplices coram venerabili
fratre nostro Tufculano Episcopo libera
& spontanea voluntate continentia votum
emiserit, & tu militaturus Domino in cle-
ricali proposueris ordine permanere, à no-
bis humiliter postulasti ut tibi super hoc
paterna dignaremur in posterum sollicitu-
dine providere. Volentes igitur quieti &
honestati tuae de consueta sedis apostolicæ
providentia praecavere, tam votum mulie-
ris prædictæ quam propositum tuum gra-
tum habentes & ratum, & cùm pro ma-
trimonio, quod te secum contraxisse dice-
bat, nihil coram auditore probaret, te ab
impitione absolventes ipsius, ne occasio-
ne hujusmodi matrimonij molesteris ul-
terius ab eadem, auctoritate apostolica inhi-
bemus. Nulli ergo omnino hominum li-
ceat hanc paginam nostræ inhibitionis in-
fringere vel ei ausu &c. Si quis autem
hoc &c. usque incursum. Datum Latera-
ni i.v. Nonas Iunij, anno tertiodecimo.

R O B E R T O A B B A T I
Monasterij sancti Martini Troarnensis,
ejusque fratribus tam præsentibus quam fu-
turiis regularem vitam profallis in perpetuum.

QVOTIENS à nobis petitur quod reli-
gioni & honestati convenire dinos-
citur, animo nos decet libenti concedere,
& potentium desideriis congruum suffra-
gium impertiri. Eapropter, dilecti in Do-
mino filij, vestris justis postulationibus cle-
menter annuius, & præfatum monaste-
rium sancti Martini de Troarno, in quo
divino estis obsequio mancipati, sub beati
Petri & nostra protectione suscipimus &
præsentis scripti privilegio communimus.
In primis siquidem statuentes ut ordo mo-
nastricu, qui secundum Deum & beati Be-
nedicti regulam in eodem monasterio insti-
tutus esse dinoscitur, perpetuis ibidem

Epiſ. 81.
Recipiuntur
iub protectione
fedi apostolice.

LII jj

temporibus inviolabiliter obseruetur. Præterea quæcunque possessiones, quæcumque bona idem monasterium in præsentiarum justè ac canonice possidet, aut in futurum concessionē Pontificum, largitione Regum vel Principum, oblatione fidelium, seu aliis justis modis præstante Domino poterit adipisci, firma vobis vestrisque successoribus & illibata permaneant. in quibus hæc propriis duximus vocabulis exprimenda. Locum ipsum in quo prefatum monasterium situm est cum omnibus pertinentiis suis, burgum Troarnense cum honore ac omnibus appendiciis suis, Ioanvilam, sanctum Paternum, cum Ramat, Toffrevill, Salnervill, Lirrofa, Bures, cum mariscis, boscis, terrariis, pescariis, pañagiis, vineis, pascuis, pratis, guarandas, mercatis, teloneis, nundinis, molendinis, & aliis libertatibus, immunitatibus, consuetudinibus, & pertinentiis suis, Ecclesiæ de sancta cruce, de sancto Ægidio Troarnensi, de Ioanvilla, de sancto Paterno de Toffrevill, de Salnervill, de Lirrofa, de Buris, & de sancto Silvino, & Capellas de Reinerij Manill & de Folletob ab episcopali jurisdicione per amicabilem compositionem exemptas, Ecclesiæ de Fontenet, de Varavill, & de Castrovir, & quicquid ex concessione venerabilium fratrum nostrorum S. Sagiensis & L. prædecessoris ipsius ac bonæ memoriar. Baiocensis Episcoporum habetis in eis. Ecclesiæ, decimam, & burgum sancti Samsonis, prioratum de Deserto, maneria de Tallewill, de Diva, de Olnbach, de Cantapia, de Cle-vill, de Caigneo, de Raimbhom cum tota insula, de Goleto, & de Rigivill. Et in Anglia, maneria de Horfeleia & de Rongenton, cellas, Capellas, redditus, & proventus, ac alia, quæ scilicet prædictorum maneriorum ratione ad vestrum monasterium spectare noscuntur, cum omnibus libertatibus & immunitatibus suis. Ecclesiæ de Airam, Ecclesiæ de Lengronia, Ecclesiæ de Trumo, Ecclesiæ de Croceio, Ecclesiæ de Piru, Ecclesiæ de Grantevill, Ecclesiæ de Gisnervill, Ecclesiæ de Dumovill, Ecclesiæ de Han, Ecclesiæ de Calidoloco, Ecclesiæ de Agerneio cum duabus garbis decimæ ipsius villa, Ecclesiæ de Milleio, Ecclesiæ de Campegnol, Ecclesiæ de Beneio, Ecclesiæ de Retuleio, Ecclesiæ de Praeris, Ecclesiæ de Muscampis, Ecclesiæ sancti Hippolyti, Ecclesiæ de Burceio, & Ecclesiæ de Caravill cum decimis, Capellis, obventionibus, & aliis quæ habetis in ip-

sis, Capellam sanctæ Margaritæ de Pon-ceio, Capellam de Roca, Capellam sancti Thomæ, Capellam sancti Michaëlis de Bosco, & Capellam sancti Blasij de Vlmo, cum adjacenti grangia, & aliis pertinentiis earundem. Ecclesiæ de Caigneo, cum quibusdam terris & decimis. In Anglia Ecclesiæ de Weneloch, Ecclesiæ de Malpedra, & Ecclesiæ sancti Andreæ de Witterherst, cum decimis & aliis pertinentiis suis, grangiam de Malni, grangiam de Casteller, & grangiam de Clevill, Capellam de Deserto, cum decimis & aliis pertinentiis suis. Sanè novalium vestrorum quæ propriis manibus vel sumptibus colitis, five de vestrorum animalium nutrimentis, nullus à vobis decimas exigere vel extorquere presumat. Liceat quoque vobis Clericos vel laicos liberos & absolutos è seculo fugientes ad conversionem recipere, & eos absque contradictione aliqua retinere. Prohibemus insuper ut nulli fratrum vestrorum post factam in monasterio vestro professionem fas sit, nisi arctioris religionis obtentu, de claustrō vestro discedere. Dilcedentem vero absque communum literarum cautione nullus audeat retinere. Cum autem generale interdictum terre fuerit, liceat vobis clausis januis, exclusis excommunicatis & interdictis, non pulsatis campanis, suppressa voce divina officia celebrare. Auctoritate quoque apostolica prohibemus ne ullus in vos vel monasterium vestrum excommunicationis vel interdicti sententias sine manifesta & rationabili causa proferre seu novis & indebitis exactiobus vos aggravare presumat. Christia verò, oleum sanctum, consecrationes altarium seu basilicarum, ordinationes Clericorum qui ad sacros ordines fuerint promovendi, à diocefano suscipietis Episcopo; siquidem catholicus fuerit, & communionem & gratiam facros sanctæ Romanæ sedis habuerit, & ea voluerit vobis sine pravitate aliqua exhibere. Alioquin liceat vobis quemcumque malueritis catholicum adire antifitem communionem & gratiam apostolicæ sedis habentem, qui nostra fretus auctoritate vobis quod postulatur impendat. Prohibemus insuper ut infra fines parochiæ vestre nullus sine assensu Episcopi diocefani & vestro Capellam seu oratorium de novo construire audeat. Salvis privilegiis Pontificum Romanorum. In parochialibus verò Ecclesiæ quas habetis liceat vobis sacerdotes eligere & diocefano Episcopo præsentare; quibus, si idonei fuerint, Episcopus curam

animarum committat, ut ei de spiritualibus, vobis verò de temporalibus debeant respondere. Sepulturam quoque ipsius loci liberam esse decernimus, ut eorum devotioni & extremae voluntati qui se illic peliri deliberaverint, nisi forte excommunicati vel interdicti sint, nullus obstat. salva tamen iustitia illarum Ecclesiarum à quibus mortuorum corpora assumuntur. Obeunte verò te nunc ejusdem loci Abbatem vel tuorum quolibet successorum, nullus ibi qualibet subreptionis astutia seu violentia p̄ponatur nisi quem fratres communī consensu vel fratum pars major consilij senioris secundūm Deum & beati Benedicti regulam providerint eligendum. Paci quoque & tranquillitate vestra paterna in posterum sollicitudine providere volentes, auctoritate apostolica inhibemus ut infra clausuras locorum seu grangiarum vestiarum nullus rapinam seu furtum facere, ignem apponere, sanguinem fundere, hominem temerè capere vel interficere, seu violentiam audeat exercere. Libertates quoque & immunitates antiquas & rationabiles confuetudines monasterio vestro concessas & hactenus observatas, ratas habemus, & eas perpetuis temporibus illibatas permanere sancimus. Decernimus ergo ut nulli omnino hominum liceat prefatum monasterium temerè perturbare, aut ejus possessiones auferre, vel ablatas retinere, minuere, seu quibuslibet vexationibus fatigare; sed omnia integra conserventur eorum pro quorum gubernatione ac sustentatione concessa sunt usibus omnimodis profutura. salva sedis apostolicae auctoritate & dioecfani Episcopi canonica iustitia. Si qua igitur in futurum ecclesiastica secularis persona hanc nostrā constitutionis paginam sciens, contra eam temerè venire tentaverit, secundò tertiove commonitiona nisi reatum suum congrua satisfactione correrit, potestatis honorisque sui dignitate careat, reamque se divino iudicio existere de perpetrata iniuritate cognoscat, & à sacratissimo corpore ac sanguine Dei & Domini redemptoris nostri Iesu Christi aliena fiat, atque in extremo examine districte subjaceat ultiōni. Cunctis autem eidem loco sua jura servantibus sit pax Domini nostri Iesu Christi, quatinus & hic fructum bona actionis percipient, & apud districtum judicem præmia æternæ pacis inveniant. Amen. Datum Laterani per manum Iohannis sanctæ Mariæ in Confidin Diaconi Cardinalis S. R. E. Cancelarij Kalend. Iunij, Indictione IIII. incar-

nationis dominicae anno millesimo ducen-
tesimo decimo, pontificatus verò Domini
Innocentij Papæ III. anno tertiodecimo.

GNEZNENSI ARCHIEPISCOPO,
& universi suffraganeis ejus.

Significavit nobis dilectus filius nobilis vir Dux Zlesia quod cùm [Boleslaus] quodam facta quondam Dux Polonia certam dederit finem, à Duce Poloniæ. *Vide Dlugoffans principalem civitatem Cracoviæ majori na- lib. 4. hisp. Pon- loris pag. 405.* tu referens instituit ut semper qui esset de *Ex lib. 6. pag.* ipsius genere prior natu, civitatem teneret *156.* eandem, ita quod si major decederet, vel cederet juri suo, qui post eum de toto gene- re major esset, ipsius civitatis possessionem intraret. Hoc autem perpetuis temporibus observari præcipiens, per sedem apostolica obtinuit approbari, omnes illos fa- ciens excommunicatione percelli qui statu- tum hujusmodi auctoritate apostolica ro- boratum præsumerent violare. Vnde nobis humiliter supplicavit ut nostris vobis dare- mus litteris in mandatis quod nec vos ipsi statutum violaretis hujusmodi, nec per- mitteretis ab aliis violari, illos qui contra- venire præsumerent anathematis sententia ferientes. Quocirca fraternitati vestra per apostolica scripta mandamus quatenus in- stitutionem de majoritatis præminentia, sicut ad utilitatem & pacem totius provin- cia dinoscitur esse facta, faciatis per cen- suram ecclesiasticam sublato appellationis obstatculo firmiter observari, contradicto- res censura simili compescentes. Datum Laterani v. Idus Iunij, pontificatus nostri no tertiodecimo.

FREDERICO ILLVSTRI
Regi Siciliae.

Cum jam annos pueriles evaseris, de- *Epif. 83.*
cet te, fili carissime, actus deserere *Vt Cathan.*
pueriles, & quanto tibi & regno tuo ma- *Episcopum re- cipias in gra-*
jora pericula imminent, tanto studiosius *tiam.*
debes intendere ad illa fortiter evitanda. Consilia quoque discretorum & te diligenter amplecti, & inter ingratos ac bene notos discernere te oportet; ne minus diligenter plus diligas, & qui te ferventius diligunt, illos remissioris cari- tatis brachiis amplexeris. Cum enim ve- nerabilis frater noster Cathaniensis Epis- copus regni Sicilia Cancellarius te culto- dierit haecenus & nutritur, ac pro defen- sione tua & regni tui labores & angores, anxietates & necessitates multiplices susti- nuerit, nunc, si verum est quod afferitur, tot beneficiorum oblitus, à tua ipsum fa-

LII iij